

Mazzar en l'ambient enconuschent

Puras e purs interessads retschaivan la pussaivladad da mazzar lur animals sin il manaschi

DAD ANDREAS CADONAU/FMR

■ **Mazzar l'animal sin il manaschi puril enstagl en la mazlaria. Il proceder applitgà en Svizra sulet dad in mez tozzel puras e purs vul la Confederaziun pussibilitar a tut ils manaschis. Per il chantun Grischun resta il mazzar sin il manaschi ina sparta da nischa.** Probalmain la stad va l'ordinaziun federala en vigur che regla e lubescha da mazzar ils animals sin l'agen manaschi enstagl en la mazlaria. Quai ha il veterinari chantunal, *Giochen Bearth*, confermà. El ha ditg che l'Uffizi chantunal per la segirezza da victualias e per la sanadad d'animals haja lubì avant trais onns da mazzar ils animals sin dus manaschis agricols. Las experienzas sajan positivas, uschia ch'il chantun possia sustegnair la finamira federala da pussibilitar a tut ils purs da mazzar sin il manaschi. Bearth ha fatg attent a las premissas che stoppian esser ademplidas per ch'il chantun concedia la lubientscha da mazzar sin il manaschi. La lubientscha vegn numnadain concedida al mazler e betg al pur. Ed il mazler sto mazzar e prender il sang a l'animal. Entaifer in cert temp sto l'animal mort esser transportà en la mazleria per elavurar là la charn. L'inspeziun uffiziala da charn sto medemamain esser preschenta sin il manaschi. Gist pervia da las prescripziuns na craja il veterinari chantunal betg da vegnir inondà da dumondas per mazzar sin il manaschi. «I vegn a restar ina nischa.» Interessant per manaschis che dattan paisa supplementara al bainstar da l'animal e che fan valair quel aspect en la vendita directa visavi a lur clientella.

Buns resuns

Dad ordvart buns resuns po *Mathias Schmid* da Fidaz relatar. El è in dals dus purs grischuns ch'han retschavì ina lu-



Mazzar sin il manaschi è pussaivel enfin uss sulet a singuls manaschis entaifer in'empova. Ussa vul la Confederaziun schlargiar il ra-

FOTO FIBL

bientscha da mazzar sin il manaschi. Respectiv el ha chattà in mazler pront d'exequir ina part da la lavur ordvart da la mazlaria. Buns resuns èn vegnids da pliras varts, dentant main dad auters purs, sco quai che Schmid ha explitgà. Arguments dal bainstar da l'animal han intima il pur da Fidaz da laschar mazzar sin il manaschi. Per impedir il stress dal transport en la mazlaria e mazzar l'animal en ses ambient enconuschent. Schmid ha ditg dad avair stuì persvader il mazler da vegnir sin ses manaschi ad exequir ina part da la lavur. Senza la prontadad dal mazler na saja quai betg pussaivel pertge lez retschaivà la fin finala la lubientscha chantunala. Ussa dentant saja er il mazler persvadi dal proceder. Ed anc pli fitg

la clientella che cumpria la charn. Ella saja pronta da surpigliar ils custs supplementars. Spargnar daners entras mazzar sin il manaschi na saja numnadain betg pussaivel, ha ditg Schmid. Ins stoppia esser bain preparà e quai chaschunia lavur supplementara a pur e mazler.

Mazzar sin il manaschi u sin pastira

Il sboz da l'ordinaziun federala circumscriba ina differenza tranter mazzar sin il manaschi e mazzar sin la pastira. Fertant che mazzar sin il manaschi duess esser pussaivel per tut ils animals da maz sa restrenscha la pussaivladad da mazzar sin pastira muvel gross e quai cun in sajedad ina buis. Per exempel dad in chaschader. Che puras e purs cun patenta

da chatscha possian schluppitar en l'avegnir armauls sin pastira ha il veterinari chantunal negà. El ha fatg attent a las medemas premissas che stoppian esser ademplidas per mazzar sin pastira sco tar mazzar sin il manaschi. Bain possia ina persuna cun cumpetenza da sajettar, per exempel in chaschader, schluppitar l'animal. Dentant en in plaz cun clasira e davent dad in sez aut. Sch'il tiradur, respectiv chaschader, retschaivà il dreg da laschar il sang a l'animal ha il veterinari chantunal laschà avert. Ed era la prontadad dal chantun da la fin finala lubir da mazzar sin pastira. Mazzar sin il manaschi è gia pussaivel tenor la legislaziun vertenta sche la charn è predestinada per agen diever.